

Acta da sesión extraordinaria e urxente da Corporación do Concello de Cerceda celebrada o día 12 de novembro de 2019.

Na Sala de Plenos da Casa Consistorial do Concello de Cerceda (A Coruña), sendo as trece horas e trinta e tres minutos do día 12 de novembro de 2019, reúnese o Concello Pleno en primeira convocatoria, baixo a Presidencia do Sr. Alcalde-Presidente, co obxecto de celebrar sesión extraordinaria previamente convocada o día da data, para a que foron previamente citados.

Asistentes:

Grupo Municipal Socialista:

D. José García Liñares.
D. Juan José Rodríguez García.
Dna. Cristina Capelán Cancelo.
D. Francisco Javier Boquete Cambón.
Dna. María Carmen Martínez Barreiro.
D. Jesús Rama Bello
Dna. Catrina Queijo García

Grupo Municipal Popular:

D. José Francisco Santos Regueiro.
Dna. Celia López Pallas.
Dna. Luz M^a Bello Vazquez
D. Jesús Picon Pardo

Grupo Municipal Mixto:

D. Alberto Sánchez Regueiro.

Secretario Xeral: Raúl Martínez Martínez

Interventora: Pilar Martínez Villar.

Non asiste a concelleira do Grupo Municipal do PP dna. Lorena Bello Juncal.

A Presidencia, tras comprobar nos términos expostos que se dá o quórum legalmente esixido polo artigo 46.2 c. da Lei 7/1985, de 2 de abril, Reguladora das Bases de Réxime Local, para a válida celebración das sesións do Concello Pleno, declara aberta esta, pasándose ó estudio dos asuntos incluídos na seguinte

Orde do día

Xustificación da urxencia na convocatoria da sesión extraordinaria.

Primeiro. Aprobación, se procede, da proposta ditaminada de rexeitamento da folia de aprezo formulada polo propietario don Manuel Leiro Castro e a aprobación da folia de aprezo da administración, dentro do procedemento de expropiación pola obra "Carretera de Polígono Industrial a "Ctra. Cerceda-Mesón do Vento por Cobelans".

Segundo. Aprobación, se procede, da proposta ditaminada de modificación das bases de execución do orzamento para a concesión de subvencións nominativas.

A Presidencia xustifica a urxencia na convocatoria da sesión extraordinaria en que alguén non está á altura das circunstancias e o erro de omisión nunha das propostas elevadas para aprobación no último plenario.

Primeiro: Aprobación, se procede, da proposta ditaminada de rexeitamento da folla de aprezo formulada polo propietario don Manuel Leiro Castro e a aprobación da folla de aprezo da administración, dentro do procedemento de expropiación pola obra “Carretera de Polígono Industrial a “Ctra. Cerceda-Mesón do Vento por Cobelans”.

Explica a Presidencia o acordo que se pretende adoptar, que se transcribe de seguido:

<<Antecedentes

Por Acordo Plenario de 9 de novembro de 2006 aprobouse definitivamente a necesidade de ocupación da relación dos bens e dereitos afectados na expropiación e a urxente ocupación da obra “Carretera de Polígono Industrial a “Ctra. Cerceda-Mesón do Vento por Cobelans”.

Dentro da relación concreta e individualizada dos bens, así como á dos propietarios, incluíase:

Municipio	Ref. Catastral	Propietario	NIF	Dirección
Cerceda	15024º02300374	Leiro Castro, Manuel	32.444.884 A	Gandarouta, 54. Cerceda
Cerceda	15024º0230037	Leiro Castro, Manuel	32.444.884 A	Gandarouta, 54. Cerceda

Aboaranse as indemnizacións polos perxuizos derivados da urxente ocupación o 14 de xaneiro de 2009, según consta en acta de depósito previo.

A Alcaldía-Presidencia mediante o Decreto 136/2019, de 26 de febreiro, ditou un requerimento ó propietario para que no prazo de vinte días formulara unha nova folla de aprezo, que concrete o valor en que estime os bens expropiados e poida aducir cantas alegacións estime pertinentes.

O perito don Cristóbal José Vázquez Lamas, en representación do propietario don Manuel Leiro Castro, formulou folla de aprezo por importe de 24.471,22 euros, que foi presentada na Delegación de Goberno de Galicia, mediante SIR, en data 18 de marzo de 2019.

A administración municipal formulou folla de aprezo correspondente á finca núm. 282, que valora o ben expropiado en 1.620,85 euros e que se aprobou polo Concello Pleno en sesión de data 11 de novembro de 2019.

Por erro de omisión, dita proposta da Alcaldía non incluía a folla de aprezo correspondente á finca 374, que debe aprobarse polo Concello Pleno.

Consideracións legais

Dacordo co artigo 30 da Lei de 16 de decembro de 1954, de Expropiación Forzosa, a administración expropiante deberá de aceptar ou rexeitar a valoración dos propietarios, en igual prazo de vinte días. No segundo dos casos, a administración extenderá folla de aprezo fundada do valor do obxecto da expropiación, que se notificará ó propietario, quen, dentro dos dez días seguintes, poderá aceptala ou ben rexeitala; e neste segundo caso, terá dereito a facer as alegacións que estime pertinentes.

Según o que prescribe o artigo 31 da mesma Lei de Expropiación Forzosa, se o propietario rexeitara o prezo que ofrece a administración, trasladarase o expediente de prezo xusto ó xurado de expropiación.

Polo tanto, no exercizo da atribución que confire o artigo 3.4 do Decreto de 26 de abril de 1957 -de aprobación do Regulamento da Lei de Expropiación Forzosa- e o artigo 22.2 s) da Lei 7/1985, do 2 de abril -Reguladora das Bases de Réxime Local- proponse ao Pleno, a adopción do seguinte

Acordo

Primeiro. Rexeitar a folla de aprezo formulada polo perito D. Cristobal José Vázquez Lamas, en representación do propietario D. Manuel Leiro Castro, por un importe de 24.471,22 euros.

Segundo: Aprobar a folla de aprezo da administración, formulada en data 16 de outubro de 2019, pola perito municipal, dona Beatriz Blanco Lois, que valora a finca núm. 374 en 454,20 euros.

Terceiro. Darlle traslado desta última ó interesado para que no prazo de dez días poida aceptala, entendéndose entón concluído o expediente de xusto prezo e aboándose a contía fixada na folla de aprezo formulada pola administración; ou ben rexeitala, facendo as alegacións e presentando as xustificacións que estime pertinentes, de todo o que, xunto co resto do expediente darase traslado ao xurado de expropiación para que proceda á definitiva determinación do prezo xusto.>>

*Intervencións que se citan:

O voceiro do Grupo Municipal Mixto, sr. Sanchez, adianta que se van abster, xa que non saben o que se vai aprobar. A Presidencia procede á súa explicación.

Sen que se produzan máis intervencións, pola Presidencia sometese a votación ordinaria a proposta, que resulta aprobada por sete votos a favor, catro en contra e unha abstención.

Segundo. Aprobación, se procede, da proposta ditaminada de modificación das bases de execución do orzamento para a concesión de subvencións nominativas.

Explica a Presidencia a proposta que se somete á aprobación e que se transcribe de seguido:

<<A data actual, estase a traballar con orzamento prorrogado 2018, no mesmo, non estaban incluídas as partidas necesarias nin a especificación das subvencións nominativas, que sempre se incluían nos orzamentos definitivos, para as comisións de festas.

A base de execución nº60, incluía este tipo de subvencións co seguinte detalle:

"BASE 60ª. SUBVENCIÓNS NOMINATIVAS.

Para o exercicio 2018, de acordo ao establecido no artigo 22.2.a) da Lei xeral de subvencións, outorgaranse as subvencións nominativas que seguidamente se detallan aos perceptores e polos importes máximos que se indican:

AP.ORZAM.	BENEFICIARIO	FINALIDADE	IMPORTE
326.48001	C.P.I. O Cruce	Viaxe de estudos	2.000,00
338.48002	Com. Festas A Silva	Actividades culturais	3.200,00
338.48003	Com. Festas Cerceda	Actividades culturais	10.000,00
338.48004	Com. Festas As Encrobas	Actividades culturais	1.600,00
338.48005	Com. Festas Queixas	Actividades culturais	2.440,00
338.48006	Com. Festas Rodís	Actividades culturais	1.600,00
338.48007	Com. Festas Xesteda	Actividades culturais	1.600,00
338.48008	Com. Festas Meirama	Actividades culturais	1.600,00

A tramitación dos expedientes de gasto relativos ás subvencións nominativas detalladas nesta base e as que poidan reflectirse en expedientes de modificación de créditos tramitados durante a vixencia do orzamento de 2018, resolveranse polo Alcalde-Presidente da corporación.

Os importes indicados na relación anterior non deben superar o 100 % do custo da actividade ou do proxecto subvencionado

As achegas locais faranse efectivas despois da xustificación documental da realización das actividades ou investimentos subvencionados. Tal e como establece o artigo 31 da Lei xeral de subvencións, salvo disposición expresa en contrario nas bases reguladoras das subvencions, considerarase gasto realizado o que foi efectivamente pagado con anterioridade a finalización do período de xustificación determinado pola normativa reguladora da subvención. A estes efectos, xunto co documento acreditativo do gasto realizado, deberá xuntarse a acreditación do pago do mesmo, a través de transferencia bancaria.

A efectos da xustificación, cada entidade beneficiaria deberá presentar unha declaración das outras axudas ou ingresos obtidos para a realización da actividade subvencionada, e o certificado bancario de conta corrente da súa titularidade.

A maior parte destas comisións, xa realizaron parte (senón a totalidade) dos gastos necesarios para a organización das festas.

Considérase necesario, con carácter urxente e inaprazable, dotar do crédito necesario destinado a estas subvencións nominativas a outorgar polo Concello, debido ao interese xeral e á importancia das festas patronais no municipio.

Tendo en conta todo o anterior, esta Alcaldía, estima procedente tramitar o correspondente expediente de modificación de crédito vía transferencia de créditos, para dotar do crédito necesario a totalidade das subvencións nominativas indicadas. E ademáis, someter a consideración do Pleno a modificación que de seguido se reflicte:

1.- Aprobación inicial da modificación nas bases de execución do orzamento do Concello da Cerceda para 2019, en concreto a base 60ª, no tocante aos seguintes beneficiarios, cuxas subvencións nominativas quedarán redactadas co tenor que se cita a continuación, sen afectar ao resto de subvencións nominativas:

Aplicación Orzamentaria		Beneficiario	Obxecto/Finalidade	Subvención 2019
326	48001	CPI O Cruce	Gastos derivados da viaxe de estudos	2.000,00
338	48002	Comisión de festas de A Silva	Gastos derivados da organización e realización de festexos populares	3.200,00
338	48003	Comisión de festas de Cerceda	Gastos derivados da organización e realización de festexos populares	10.000,00
338	48004	Comisión de festas de As Encrobas	Gastos derivados da organización e realización de festexos populares	1.600,00
338	48005	Comisión de festas de Queixas	Gastos derivados da organización e realización de festexos populares	2.440,00
338	48006	Comisión de festas de Rodís	Gastos derivados da organización e realización de festexos populares	1.600,00
338	48007	Comisión de festas de Xesteda	Gastos derivados da organización e realización de festexos populares	1.600,00
338	48008	Comisión de festas de Meirama	Gastos derivados da organización e realización de festexos populares	1.600,00

2.- Expoñer este expediente ó público, mediante anuncio inserto no BOP, por quince días hábiles, durante os que os interesados ponderán examinalo e presentar reclamacións ante o Pleno. O expediente considerarase definitivamente aprobado si durante o citado prazo non se hubiesen presentado reclamacións; no caso contrario, o Pleno disporá do prazo dun mes para resolvelas>>.

*Sen intervencións.

Sometido a votación ordinaria pola Presidencia, a proposta resulta aprobado por once votos favorables e unha abstención.

Sen máis asuntos por tratar, a Presidencia levanta a sesión, sendo as trece horas e corenta minutos do día sinalado no encabezamento, de todo canto eu, como Secretario Xeral, dou fe.

O Alcalde-Presidente
José García Liñares

O Secretario Xeral
Raúl Martínez Martínez